



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბაშიძე ტასო (ანასტასია) ვასილის ასული



ტ. აბაშიძე

აბაშიძე ტასო (ანასტასია) ვასილის ასული [17 (29). III. 1881, თბილისი, - 15. IX. 1958, იქვე], მსახიობი, საქართვე. სახ. არტიტი (1943), ვასო აბაშიძისა და მაკო საფაროვა-აბაშიძის ქალიშვილი.

დაამთავრა თბილ. ქალთა გიმნაზია. პროფ. განათლება პარიზში, ე. შავანიეს მუს. და დეკლამაციის სასწავლებელში მიიღო. სასცენო მოღვაწეობა დაიწყო 1899 თბილ. ქართ. დრამ. დასში (სადებიუტო როლი მაშო, ნ. აზიანის „ფული და ხარისხი“). მოღვაწეობდა რუსთაველის სახ. (1921_25), ჭიათურის დრამ. (1926_27) და კ. მარჯანიშვილის სახ. (1933_48) თეატრებში. იყო საუკეთესო ტრავესტი, სახასიათო

და კომედიური როლების შემსრულებელი; მისი ხალისიანი და მოხდენილი თამაში გამოირჩეოდა ბუნებრიობით, სიმართლით, ორიგინალობით, სიმსუბუქითა და სიბუსტით. მნიშვნელოვანი როლები: ფანფანი (დე კურსელის „ორი ჯიბგირი“), ავთანდილი (ი. გედევანიშვილის „სინათლე“), ნასტია (ა. ოსტროვსკის „ბედნიერი დღე“), ორომსე (ა. ცაგარლის „რაც გინახავს, ვეღარ ნახავ“), პრიუდანსი (ა. დიუმას „მარგარიტა გოტიე“), რიფსიმე (ზ. ანტონოვის „მზის დაბნელება საქართველოში“), გაიანე (ა. სუმბათაშვილის „ღალატი“). გამოდიოდა ოპერეტებსა და საოპერო სპექტაკლებშიც: კარმენი (ჟ. ბიზეს „კარმენი“), კერუბინო (ვ. ა. მოცარტის „ფიგაროს ქორწინება“), პერიკოლა (ჟ. ოფენბახის „პერიკოლა“) და სხვ. გადაღებულია კინოში. პირველ ქართულ კინოკომედია „ხანუმაში“ (რეჟ. ა. წუნუნავა, 1926) ითამაშა. ქაბატო - მაჭანკლის როლი. მიღებული აქვს სახელმწ. ჯილდოები.

თბმ.: მოგონებანი, თბ., 1954.

ლიტ.: დ ა დ ი ა ნ ი შ., ტასო აბაშიძე, ტფ., 1924.

შ. ცუცქერიძე
